



**Peqqissutsimut Ilaqutariinnermullu Naalakkersuisoq
Landsstyremedlem for Sundhed og Familie**

Inatsisartunut Ilaasortaq
Jonathan Motzfeldt, Siumut

**Inatsisartunut ilaasortap Jonathan Motzfeldt-ip Siumumeersup § 36 imm. 1
naapertorlugu apeqquteqaataanut allakkatigut akissut.**

**Apeqqut: SANA peqqinnissaqarfillu ataatsimut isigalugit nalinginnaasumik
sulinerup ingerlaqqinnissaa, Peqqissutsimut Naalakkersuisup qanoq
iliuuseqarnikkut qulakkeerniarpa ?**

05. november 2008

Inatsisartuni ilaasortap Kalaallit Nunaanni peqqinnissaqarfiup
Napparsimavissuullu ingerlanneqarnerannut soqutiginninnera
qujassutigaa

Postboks 260
3900 Nuuk
Oq/tel +299 34 50 00
Fax +299 32 55 05
IPN@gh.gl
www.nanoq.gl/

Inatsisartunut ilaasortap aningaasaliissutinut ilassutit 19 mio. koruunit
taartaagallartartunik tikisitanik atorfinitsitsinissamut atugassatut
pisariaqartinneqarnerat, apeqquteqarnerminut tunngavilersuutigaa. 17 mio.
koruuninik aningaasaliissutinut ilassutissanik qinnuteqarnissaq pillugu,
oktoberip 30-ani Sermitsiap nittartagaani Peqqissutsimut Ataatsimiititaliap
oqaaseqaataa, Inatsisartuni ilaasortap aallaavigigaa naatsorsuutigaa.

Tusagassiuutitigut oqaaseqaatit assigiinneqisut tutsiuttarnerat
pissutigalugu kisitsisit eqqortut takuteqqaarnissaat pisariaqartippara.

Peqqinnissaqarfimmut aningaasaliissutinut ilassutissanik 7,8 mio koruuninik
qinnuteqaateqartoqarnera ilumoorpoq. Tamatuma saniatigut
Naalakkersuisoqarfimmi aningaasartuutissat iluini 9,7 mio koruunit
nalinginik konto-nut allanut nuussinnaanissaq qinnuteqaatigineqarpoq.
Katillugit 17,5 mio koruuninik, peqqinnissaqarfiup aningaasaliissutinik
sippuinissamik naatsorsuutigisaanut matussutissanik, qinnuteqartoqarpoq.

Inatsisartunut ilaasortamut akissutissara tassaavoq, Naalakkersuisoqarfiup
iluani konto-nut allanut nuussinikkut, aningaasaliissutinullu ilassutissanik
qinnuteqarnikkut, peqqinnissaqarfimmi 2008-p naajartornerani
aningaasaliissutit sipporlugit atuinissaq pinngitsoorniarlugu
sipaarniuteqartariaqarsimasup, sullissinerata nalinginnaasup
ingerlaqqinnissaa qulakkeerniarlugu.

Aningaasaliissutit saniatigut, peqqinnissaqarfiup taartaagallartartunik tikisitanik atorfinititsinissamut 17,5 mio. koruuninik pisariaqartitsisoqarneranik oqarneq, Inatsisartuni ilaasortap tusagassiutinut oqaaseqarneratut eqqortuunngilaq.

Inatsisartut Aningaasaqarnermut Ataatsimiititaliaanut saqqummiussami, aningaasaliissutit sipporlugit atuinnermut taartaagallartartunik tikisitanik atorfinititsinerinnarmik patsiseqannginnera erseqqissaavigineqarpoq.

Danmarkimi tarnimikkut nappaatillit uninngavianni matoqqasumi Risskovimiittumi uninngasartut 5-inik amerlisimanerat, Kalaallit Nunaata iluani napparsimasut pinasuartumik angallattariallit amerleriarujussuarsimanerat, nakorsaatitut nukissiuutinullu aningaasartuutit qaffassimanerat peqqinnissaqarfimmi aningaasartuutit qaffannerannut patsisaaqataasunut ilaapput.

Taartaagallartartunik tikisitanik atorfinititsisarneq kisiat isigissagutsigu peruluttunut immikkoortortaqaarfik eqqaassanngikkaanni, oktobarip 1-aniit immikkoortortani allani taartaagallartartunik tikisitanik atorfinititsisarneq unitsineqarpoq. Taamaasiornikkut 4,2 mio koruunit siparneqarput. Pigaartuusartussalli suliffissaannik aaqqissuinnermi atorfeqareersut saniatigut ikinnerpaamik peqqissaasut 12-it pisariaqartinneqartut paasinarsivoq taakkulu ukiup 2008-p naanissaanut 2,5 mio. koruuninik aningaasartuutaasussaassapput.

Taamaakkaluortoq peqqissaasunik taartaagallartartunik tikisitanik atorfinititsisarnermut tunngatillugu ajornartorsiut pingaaruteqanngitsutut nalilerusunngilara. Peqqissaasunik taartaagallartartunik attartortitsisarfinnut aningaasartuutit peqqinnissaqarfimmut navianartorsiortitsisut ullumikkut annersaraat, tassani salliullutik peqqissaasut aammali nakorsat.

Ajornartorsiut tassaavoq taartaagallartartunik aallartitsisarfinnut marloriaammik pingajua qeqqanilluunniit annertunerusumik peqqissaasumut ataatsimut akiliuteqartarneq.

Taartaagallartartunut tikisitanut aningaasartuutit qaffariartupiloorsimanerat tabeli- mi takuneqarsinnaavoq.

Peqqinnissaqarfimmi taartaagallartartunut tikisitanut aningaasartuutit (mio. koruuninngorlugit.)

	2004	2005	2006	2007	2008 (miss.)
SANA-mi	16,6	17,9	20,2	29,7	42,5
Sineri	5,6	7,3	14,5	12,9	20,5
ssami					
Katinneri	22,2	25,2	34,7	42,6	63,0

Novembarip 5-ani 2008

2008-mi aningaasartuutissatut missingersuutit 2007 aallaavigalugu suliarineqarput. Tassani takuneqarsinnaavoq Napparsimavissuup taartaagallartartunut tikisitanut 30 mio. koruuningajaat atorsimagai, taamaammat 30 mio. koruunit sinerissamilu peqqissaaveqarfanni 14 mio. koruunit tamatumunnga aningaasartuutissatut missingersuutigineqarput. Taamaasilluni upernaag taartaagallartartunut aallartitanut atugassatut aningaasaliissutit 20 mio. koruunit ilanngullugit 43 mio koruuninik atuinissaq naatsorsuutigineqarpoq.

Kisitsisitigut takuneqarsinnaasutut taartaagallartartunik tikisitanik atorfinittisarnermut aningaasartuutit qaffariapiloorsimapput. Taakku saniatigut pinerluuteqarsimanertik pissutigalugu tarnimikkut nappaateqarnerminnik misissuivigineqarnissartik pillugu uninngasut amerlinerat, pinasuartumillu napparsimasunik angallassisarnerit amerleriarnerat tamarmik uungaannaq sipaarniarfiusinnaanngitsut, peqqinnissaqarfiup aningaasaqarniarnera ilungersunartumik inissisimalersippaat. Taamaammat Napparsimavissuarmi sullissinerup annikilliliivigineqarnissaa peqqinnissaqarfiullu nalinginnaasumik sipaarniarfiunissaa pisariaqalersimavoq.

Inussiarnersumik inuulluaqqusillunga

Siverth K. Heilmann

Ilaqtariinnermut Peqqissutsimullu Naalakkersuisoq